

տու ծառոց պարտեղները՝ սպառել ջնջել հասունցած կեռասի պտուղները *»։ Յիրաւի Տարմահաւք՝ մարդու փափուկ ականջը կը խայթեն իրենց ազատութեան մէջ, բայց երբ զանոնք բանտներ վանդակի մէջ. այն ատեն կ'ախորժիմք ամենայն սիրով ու զնեւ նոցա քաղցր երգոց. և որքան զարմացած կը մնանք, երբ անդէն իրենց եղբերայն շրթունքներէն շնչեն մարդկային բարբառներ։

Տարմահաւք մեր երկրի ամենէն ծանօթ թռչունն կը համարուի, և գրեթէ առհասարակ ամէն գաւառաց մէջ կը զտնուի։

Կախիկեանի ազատարանակ Տարմահաւք երբ իրենց համարձակ ճրճւներով կը խլացունեն մեր ականջը, անդին սիրելի և զեղանի Կարմրալանջն իւր անուշակ նուագներով կը փարատէ մեր ծանծրոյթը։ Արդեօք սիրոյ ածականը ձրիաբար կու տանք այս թռչնիկին, երբ կը տեսնեմք որ փոխանակ միւս թռչնոց նման մեզմէ հեռանալու, ընդ հակառակն նազելի կտրտուածքով մեզի կը մօտենայ, կարծես կը փափաքի որ զինքը շոյենք՝ համբուրենք. և ի՛նչպէս սիրոյ թռչուն չի կոչենք զայն։

Սա, երբ անձրեւը մօտալուտ է, կը սլանայ կը թառի ամենաբարձր բարտիին գաղաթը, և ճուռողելով կ'աւետէ մեզ անձրեւի գալուտը։

Բայց հայրենիքնիս կարմրալանջի նման դեռ ուրիշ որքան երաժիշտ թռչնիկներ կը սնուցանէ, որ մէկը յիշենք, որ մէկը նկարագրենք, Յախսարիկն թէ Պարիկը, Խաչնահան թէ Ոսկետարեակը, Արեղաձագն թէ Կարմրալարը, Միտը կամ թէ Դեղձանիկը. բայց կ'անիրաւիմք եթէ պարզաբար անուննին տալով, լռութեամբ խոյս տանք իրենցմէ։

Եռանդուն Յախսարիկն անհանդարտ՝ շարունակ ճիւղէ ճիւղ կը ցատքէ, յափտակելով պտղոց մնասակար որդերը։ Սի խրտեցընենք զինքը, ապա թէ ոչ ծառոց խոռոչներուն մէջ կը թաքչի։

Յարաշարժ Պարիկն՝ միշտ պարելով, խայտալով չի յագենար անոյշ նշով և հատերով, և անդէն կատաղաբար կը հայածէ սիրուն և օգտակար մեղրակազմ միջատը։

— Ասոր ազգակիցն Խաչնահաւ՝ քան զայն աւելի վառվռուն, շարունակ կը ճօճէ իւր տուտն և խաչանց անմեղ խմբիկէն բնաւ չուզեր բաժնուիլ։

— Իսկ թղատէր կամ կեռասատէր Ոսկետարեակն՝ կը չլացընէ մեր աչուրները իւր

դեղին ծիրանի պիսակախառն զգեստով, և կը պարարէ մեր ունկն՝ իւր ներդաշնակ բարձրաձայն երգերով։

Անդին Արեղաձագն կը սուլէ « Զիս մի մոռնաք, ձեր հայրենեաց միակ հաւատարիմ թռչնիկն եմ ես, ի Կարին և ի Մուշ, ի Սեւ, բաստիա և ի Բաղէշ, յԱրցախ և ի Սիւնիս, ամենուրեք ծանօթ եմ ես. թագաւոր օծուած եմ թռչնոց, զայս կը վկայեն ձեր մատենագիրք* . յուշիկ երգերովս գուշակ եմ զարնան, և զայս երգած են ձեր երգիչք** »։

Իսկ Կարմրալարն խոհեմութեամբ կը ճախրէ կ'անցնի մեր քովէն, և իւր պերճ երգերով՝ կարծես կ'ուզէ յայտնել թէ հայրենեաց ամենէն զեղեցիկ թռչնիկներէն մին այլ ես եմ։

Միտ կամ հասարակ ճնճողիկն յաւագոյն էր որ բնաւ չի գտնուեր Հայ երկրին վրայ. դա մի փոքրիկ թռչուն է, բայց յարաժամ աւարառութեամբ հայ մշակին արմտեաց աճենէն աւելի մնասակար յափշտակիչն է. մի թէ լաւագոյն չէ՞ր որ ինչպէս առաջ, նաեւ արդ իսկ Աստղեկան կառքը քաշելով և շաստուածներէն կերակրուելով՝ աղքատ մշակին արմտեաց պէտք չուներար։ Ո՛րքան տխմար է հեթանոսութիւնն որ այսպիսի վատ աւագակ թռչուն մը կը նուիրէ Արամազդածին դից։

— Ընդել՝ անմեղուկ՝ զուարթ թռչնիկ մը յանկարծ մեր միտքը շատուածներէն վերցընելով՝ իրեն կը յափշտակէ։

— Դեղձանիկն է սա. յԵւրոպա ագնուականաց սենեկաց երաժիշտն է. բայց աստ հայրենեաց մէջ կը փափաքի ազատութեամբ զուարթացընել մայրիներու և սօսիներու խորհրդաւոր անտառները։

— Զի խռովենք դորա հրեշտակային զուարթութիւնը. իւր քաղցր նուագները՝ Սոխակի տարածական ձայնին և վսեմ ելեւէջներուն հետ խառնելով, թող բարձրանան դէպ ի յերկինս իբր արելուք Արարչին։

Դեղձանիկով կ'ուզենք փակել հայրենեաց օդաբնակ երաժշտաց խմբին նկարագրութիւնը. բայց մեր մտքէն դուրս մնացած եւրաժիշտ Սարիկն, ահա շունչը կտրած և բարկացած՝ մեր գլխին վրայ կը թռչնաի, կարծես կը յանդիմանէ զմեզ՝ զինքը մոռա նախուս համար. և ի՛նչպէս չի մոռնանք այսպիսի աններդաշնակ և անխոհեմ երգիչ մը,

* « Թռչունքն զԱրտուտն (Արեղաձագ) օծին իւրեանց թագաւոր »։

** « Նման Արտուտի՝ քաղցրաձայն հաւի՝ զարնան գուշակի » . Գանձ։